

詩

壇

花朝與若文遊花丘灣

陳樹人

花丘又得共遊春，及此繁英爛漫辰。風景川中隨處好，情懷郊外逐時新。幽棲林壑將三稔，粗健筋骸屆六旬。確信清心人福矣，眼前天國現紅塵。

花丘晚步同若文

前人

景色隨時變，林巒輿轉賒。朝霞輸暮靄，嫩葉勝繁花。向晚山如睡，微寒鳥不譁。但能安所遇，其樂亦無涯。

桂林贈異野呂方子韻兼簡崔翁友邨

李仙根

天下名區獨此奇，凝江江水接相思。雲流萍聚原何意，雁後花前各一時。遣有涯生吟轉益，未為佳去住猶宜。祇憐儒効談今日，空使風塵上鬢絲。

題沈君甸先生風雨一廬圖

成惕軒

蜀山風雨一廬新。近市偏能絕點塵。前復以鷗鷺設室。重來燕子解依人，閒消棋局心如水。坐擁書城氣自春。何必小桃源裏佳。天涯隨處可為鄰。

南泉九日次均室教授韻

前人

秋老滄洲屋數椽。卜居今又向南泉。樓從鶴去傷甌碎。室有龍吟任響懸。萍梗綠浮巫峽水。菊花黃勝義熙年。溪頭坐聽江聲急。應逐樓船下楚天。

哭母辭

(用帶浪兄家人辭韻)

王淑陶

憶昔辭親馬首東，西山猶冀夕陽紅。音書乍到田灣畔，情景翻疑夢寐中。半世蓼蒿勞切望，滿天心事頓虛空。一親未養何家國，點點蓮心苦處同。

此別匆匆未半年，那知此別恨綿綿。春暉莫報心如草，風靜何堪樹滿烟。有氣哭親思掘地，不仁於我痛呼天。相逢夢裏終虛渺，雲戶應開一眼前。

兒心苦善自年年，往事思維恨似綿。爹去未能親席贊，娘喪又復阻烽煙。爹墳陷敵傷無地，娘冢何方哭向天。呼極阿娘終不應，流淚思可到娘前。

罔極天恩母愛深，病多彌累母勞心。六房兩代惟兒在，五子一行盡雁沉。助讀終胃懷往昔，相依為命到如今。與嗟陟屺娘何處，望祭塵飛夏木森。

一紙傳來萬木森，孤兒哭母月西沉。哀哀生我何勞瘁